

Attartornernut aamma tapiissuteqartarnernut aaqqissuussinerit nunami inuussutissarsiutinik siuarsaanernut atatillugu Namminersorlutik Oqartussat nalunaarutaat

Nunami inuussutissarsiutinik siuarsaanernut atatillugu Inatsisartut inatsisaat nr. 20 ulloq 3. december 2012-imeersoq, allanngortinneqartoq Inatsisartut inatsisaatigut nr. 4 ulloq 3. juni 2016-imeersukkut aamma Inatsisartut inatsisaatigut 17. november 2017-imeersukkut § 5, imm. 3, § 5 a, imm. 4, § 6, § 8, imm. 3, § 9, imm. 3, § 9 a, imm. 7 aamma § 11, imm. 2 naapertorlugit aalajangersarneqarpoq:

Kapitali 1

Inuussutissarsiutinik siuarsaanernik aaqqissuussinerit

Nioqqutissianik ineriartortitsinernut tapiissutit

§ 1. Tapiissuteqarnissamut neriorsuuteqartoqarsinnaavoq nioqqutissianik ineriartortitsinernut atorneqartussanik.

Imm. 2. Aningaasartuutunik matussusiineq nioqqutissianik ineriartortitsinernut atorneqartunik tapiissuteqarnissamik neriorsuutaasimasut procentiannik annertussusilinnik.

Imm. 3. Aningaasartuutunik matussusiinissamik neriorsuutaasimasut nioqqutissianik ineriartortitsinernut aningaasartuutunut atorneqartussanik akilerneqartut qaffasinnerpaamik aningaasartuutaasimasut 50 procentiinik annertussuseqarsinnaapput. Tapiissuteqartoqarsinnaavoq annerpaamik 300.000 kr.-inik annertussuseqartunik.

Imm. 4. Tapiissuteqarnissamik neriorsuuteqarneq imm. 1 naapertorlugu ilassuserneqarsinnaanngilaq tapiissuteqarnissamik neriorsuummik § 2 naapertorlugu.

Qiortakkat – siunnersortimit professioneliusumit ikiorserneqarnissamut

Tapersersuineq

§ 2. Tapiissuteqarnissamut neriorsuuteqartoqarsinnaavoq siunnersortimit professioneliusumit ikiorserneqarnissamut, tamatumani aamma eqqartuussissuserisumit aammalu kukkunersuiisumut.

Imm. 2. Siunnersortimut professioneliusumut aningaasartuutit akilerneqartut neriorsuutaasimasut procentiliusaaq naapertorlugu tapiissutitut akilerneqassapput.

Imm. 3. Aningaasartuutunik matussusiinissamik neriorsuutaasimasut professioneliusumik siunnersortimik

atuinnermut akilerneqartut qaffasinnerpaamik aningaasartuutaasimasut 80 procentiinik annertussuseqarsinnaapput. Tapiissuteqartoqarsinnaavoq annerpaamik 25.000 kr.-inik annertussuseqartunik.

Imm. 4. Tapiissuteqarnissamik neriorsuuteqarneq imm. 1 naapertorlugu ilassuserneqarsinnaanngilaq tapiissuteqarnissamik neriorsuummik § 1 naapertorlugu.

Aallarnisaasut

§ 3. Piffissami killilikkami tapiissuteqarluni ingerlatsinissamut neriorsuummik nalunaaruteqartoqarsinnaavoq pikkorissaanissanut aamma siunnersorneqarnissamut, aallarnisaasunut aallartsisartunut tunniunneqarsinnaasunik.

Imm. 2. Aallarnisaasunut ingerlatsinernut tapiissutissat nalunaarutigineqarsinnaapput piffissamut qaammatit 24-it angullugit sivilussusilimmut.

Attartortitat annikitsut

§ 4. Aningaasanik attartortitsisoqarsinnaavoq siunertaralugu aallarnisaasut mikisut aningaasalersuisinnaanerannik oqilisaassinissaq imaluunniit sulinissaminut aallarniutissaqarnissaat, aningaasanik attartortitsinikkut (attartortitat annikitsut).

Imm. 2. Aningaasanik attartortitsisoqarsinnaavoq 20.000 kr.-it aamma 100.000 kr.-it akornanni, taamaattoq tak. imm. 3.

Imm. 3. Aningaasalli attartortitassat annikitsut attartortitat qaffasinnerpaamik annertussuseqarsinnaapput suliniutissanut allaaserisat naapertorlugit aningaasartuutissanut missingersuusiata qinnuteqarnermi tunngaviusut qaffasinnerpaamik 75 pct.-iannik. Aningaasat attartortitat qaffasinnerpaamik 25 pct.-inik annertussuseqarsinnaapput aningaasartuutissani missingersuusiasuni, attartornissamut qinnuteqaat ilaqartinneqarpat inatsimmi tapiiffigineqarnissamut periarfissanik allanik atuinnermik, tak §§ 1, 2 imaluunniit § 5, imaluunniit 50 procent-iusinnaallutik, sulinissamut aningaasaliissutit pineqarsimappata.

Inuussutissarsiutit sammiviinut aalajangersimasuut imaluunniit suliffeqarfinnut immikkut ittunut immikkut tapiissutit

§ 5. Ukiumoortumik aningaasanut inatsimmi aningaasaliissutit immikkoortitaasut iluani aalajangersimasunik inuussutissarsiutinut siuarsaaniarnermik aaqqissuussinernik pilersitsisoqarsinnaavoq, inuussutissarsiutit sammiviini aalajangersimasuni siuarsaassutaasussanik imaluunniit suliffeqarfinnik aalajangersimasunik piffissami killilikkami siursaanerusussanik.

Imm. 2. Aaqqissuussinerit taakkua iluanni neriorsuuteqartoqarsinnaavoq immikkut tapiissuteqarnissamik inuussutissarsiutit sammiviini aalajangersimasuni imaluunniit suliffeqarfinnut aalajangersimasunut il.il., tamatumani aamma ilaatigut nioqqutissiassanik ineriartortitsinernut aammalu ussassaarinernut makkununga tunngatillugu:

- 1) Kalaallit inuussutissaataannut,
- 2) sermimut aamma imermut tunngasunik suliniutinut, aamma

3) takornariartitsinermi nioqqutinik.

Imm. 3. Inuussutissarsiutit sammiviini aalajangersimasuni imaluunniit suliffeqarfinni immikkut isigineqartuni aningaasartuutitut matussutissatut tapiissutit imm. 1 naapertorlugu tapiissutissatut neriorsuutaasimasut procentiannik annertussusilerneqartassaaq. Tapiissuteqartoqarsinnaavoq annerpaamik 300.000 kr.-inik.

§ 6. Ukiuortoortumik aningaasanut inatsimmi aningaasaliissutit ilaannik immikkoortitsisoqarsinnaavoq neriorsuutissanut immikkut tapiissutissatut inuussutissarsiutit sammiviinik imaluunniit suliffeqarfinni aalajangersimasuni siuarsaanissamik siunertanut.

Imm. 2. Immikkoortitsineq inuussutissarsiorterminni siuarsaanissanut immikkuullarissumik aaqqissuussaq kiisalu killiliussassat ersarinnerusut Naalakkersuisunit akuerineqassapput.

Kapitali 2

Ataatsimut aalajangersakkat

Neriorsuutit aamma tapiissutinik akiliineq

§ 7. Tapiissuteqarnissamik neriorsuutit, tak. §§ 1-2 aamma § 5, taamaallaat atuuttarput ingerlatanut naammassineqartunut piffissami neriorsuuteqarfusumi.

Imm. 2. Tapiissuteqarnissamik neriorsuut isumamineersumik atorunnaassaaq piffissaliussaasup naanerani.

Imm. 3. Tapiissutit akilerneqarsinnaapput ingerlatassat tapiissuteqarfusussatut pisinnaatitaaffusut naammassineqareerpata, aningaasartuutillu pineqartut akilerneqarsimaneri uppersaasarneqareeraangat. Tapiissutit ataatsikkut akilerneqarsinnaapput imaluunniit naaffeqartunik.

Imm. 4. Tapiissutinik akiliuteqarnermi aningaasartuutit tapiissuteqarfusut toqqaannartumik siunertamut atasuunerat takussutissinneqarsinnaassaaq.

Neriorsuuteqarneq aamma attartukkanik akiliuteqarneq

§ 8. Attartugassanik neriorsuuteqarneq, tak. § 4, taamaallaat tunngasuusarpoq ingerlatassanut naammassineqartunut, piffissami neriorsuuteqarfusumi.

Imm. 2. Attartugassanut neriorsuut isumamineertumik atorunnaartarpoq piffissap neriorsuuteqarfusutut aalajangiunneqartup naanerani.

Imm. 3. Aningaasat attartortitat ataasiartamik imaluunniit naafferartunngorlugit attartortitserneermi akilersorneqarsinnaapput, aamma ingerlatap attartukkanik akiliuteqarnissamut tunngaviusup suli naammassineqannginnerani.

Imm. 4. Tapiissutinik akiliuteqarnermi atugassarititaavoq aningaasartuutit tapiissuteqarfusut toqqaannartumik siunertamut atasuunerat.

Nalunaarusiorneq

§ 9. Tapiissutininik tiguisoq uppersarsaatip ilaatut suliniummumut tamarmiusermut atatillugu nalunaaruserussaaq kiisalu aningaasaliissutit qanoq atornerqarsimaneri pillugu.

Imm. 2. Nalunaaruseriaq skema nalunaaruseriorfissiaq atorlugu suliarineqassaaq, nassunnerqassallunilu kingusinnerpaamik tapiissutit akilerneqarnissaannik qinnuteqarnermut atatillugu.

Atortuulersitsineq

§ 10. Nalunaarut manna atortuulerpoq ulloq 9. oktober 2020.

Imm. 2. Ilutigisaanik atorunnaarsinnerqarpoq Namminersorlutik Oqartussat nalunaarutaat nr. 14 ulloq 27. juuni 2016 nioqqutissianik ineriartortitsinernut, avammumt niuerneramik siuarsaanernut, professioniliuserumik siunnersuisarnermut (qiortagaq), sermimik imermillu suliniutinut aamma takornariartitsinermi suliniutinut tapiissuteqarneq pillugit.

Namminersorlutik Oqartussat, ulloq 8. oktober 2020

Jens-Frederik Nielsen

/

Isak Nielsen Kleist

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut

